



Poštovani, esselamu alejkum!

Mjesec ramazan nam ove godine dolazi na početku proljeća, u danima kada se priroda oko nas budi, miriše, cvjeta, kada sve oko nas, na neki način, oživljava i donosi nam osjećaje radosti i ugodnosti.

Također, nakon dvije godine ograničenih mjera zbog korone, ove godine ramazan dočekujemo bez ikakvih ograničenja i naše džematske aktivnosti obavljat će se u punom kapacitetu, ako Bog da.

Detalje i raspored naših džematskih aktivnosti možete pročitati na kraju pisma (na drugoj stranici).

A da bi dodatno osvježili džematske aktivnosti, ovog ramazana imat ćemo i gosta, studenta Fakulteta islamskih nauka u Sarajevu koji će, zajedno sa našim imamom, doprinijeti da ove ramazanske dane ispunimo što boljim i kvalitetnijim sadržajima.

Na kraju, kao ramazansku poruku, želimo da ovo proljeće oko nas i ovaj mubarek ramazan donesu istinsko proljeće i najljepše plodove u našim dušama.

Jedan naš učenjak kazao je:

“Čovječe, sve za tijelo - naš'o si / žedan, gladan – dušom si!”

Ramazan je, zaista, posebna prilika da naše duše nahranimo istinskom hranom, a to je naša svjesnost o Stvoritelju, naša svjesnost o našoj misiji na ovom svijetu i naravno, naš doprinos svim pozitivnim vrijednostima u vremenu i društvu u kojem sada živimo.

Također, obaveza sviju nas je da olakšavamo, da razumjevamo druge i učinimo sve da vjera u Boga u ovim vremenima ne bude teška.


Kao što trebamo blizinu Bogu, mi trebamo i blizinu čovjeku. Zato, mi smo tu da olakšavamo i motivišemo jedni druge. A svako od nas je poseban, unikatno i svako na svoj način može širiti dobrotu, ljudskost, ljubav, optimizam, nadu, utjehu, razumjevanje, radost, i to prema svima.

Neka je Božiji mir i ljubav na Vas, Vaše porodice i na sve ljude!

RAMAZAN ŠERIF MUBAREK OLSUN!

Džematski odbor

| Ramazanska Aktivnost | Vrijeme i detalji |
|---|--|
| Prva teravija | Petak, 1. april, u 21.17 h |
| Prvi dan posta | Subota, 2. april (prvi sehur u 5.00 h, a prvi iftar u 19.48 h) |
| Teravih namaz | Svaku večer, sahat i 30 minuta poslije iftara |
| Kratka predavanja | Svaku večer, 5-10 minuta prije teravih namaza |
| Mukabela (zajedničko učenje Kur'ana) | Svaki dan poslije podne namaza |
| Sabah namaz u mesdžidu | 20 minuta poslije sehura Ostali namazi po vaktiji (akšam se ne klanja u mesdžidu) |
| Zajednički džematski iftar | Subota, 16. april 2022. godine Gost: Idriz-ef. Karaman, glavni imam |
| Omladinski iftar | Petak, 15. april 2022. godine |
| Zekat i vitre | Fetvom/šerijatskom odlukom Rijasetu Islamske zajednice u BiH, zekat i vitre se obavezno uplaćuju u Bejtul-mal Islamske zajednice, i to na blokove u džematima. |
| Visina sadekatul-fitra (vitara) | Tri kategorije vitara: 100 sek, 150 sek ili 200 sek po osobi Zekat: 2,5 % vrijednosti nisaba |
| Nafile u džematu | Svaku neparnu noć u zadnjoj trećini Ramazana |
| Lejletul-Kadr | Srijeda, 27. april (obilježavanje uz nafile i zikr u džematu) |
| Iftar za studenta/imama | Oni koji žele organizirati i pozvati studenta/imama na iftar potrebno je da se jave na telefon 076 938 33 31; |
| Ramazanski bajram | Ponedjeljak, 2. maj 2022. godine, u 6.05 h (sabah namaz u džematu na dan bajrama je u 4.50 h) |
| KONTAKT za više info: | Tel.: 076-938-33-31 ili mail: helsingborg@izb.se |



123 268 06 19



VAKTIJA